


YAALTJI-YAALTJINGKU CONTRACT TRACING PALYALPAI COVID-19-ANGKATAWARA?

1



Pika panya coronavirus mapalku ma-pulkaringkupai Anangu pikatjara kutjupawanu. Anangungku coronavirus mantjini anangu pikatjarangu kutjupa kutjupa tjuta pampura munta kuntjulpungkula munu nyurtjira kulu. Ka anangungku watarungku pika pampura munta pika ngaalymara mantjini. Anangu pika panya COVID-19-tjararingkunya.

2




SA Health-angku ringamilara tjakultjungkupai, ka anangu paluru kutju nyinanytjaku kiminingka pika panya ungkunyjakutawara.

Anangu COVID-19-tjararingkula irupulaina munta paatjankaya Adelaide-alakutu katira miritjina unganyi munta ruuma unganyi paluru kutju nyinanytjaku.


Palumpa walangka nyinapai tjuta kulu katinyi ilangu nyakuntjaku munta miritjina ungkanytjaku. Paluru tjana kulu tjinguru kutju kutju nyinanytjaku.

3



SA Health-angku Coronavirus-tjara pala palunya tjapilku malakutungku kulira walkatjungkunyitjaku ngura uwankarangka paluru nyinanytja, nganala tjanalaya tjungu nyinangi munu mutukangka para-ngarangi.

4



Ka nyarapalulanguru SA Health-angku ringamilara wangkaku panya anangu pikatjarangka tjungu nyinanytja tjuta.

Nyanga tjana tjungu nyinanytja tjuta ini panya 'close contacts' ngaranyi.

5



SA Health-angku close contact tjutangka wangkanyi ankula testamiltanjaku COVID-19-paku.

6



Ka kutju nyinara paluru putu pakani urilkutu ka paini anangu kutjupa tjutangka tjungu nyinanytjaku. Kutju nyinanyangkaya mai ungkuku alpamilara. Ka palya mai munu kutjupa kutjupa tjuta payamilara kutjupangu ma-katinytjaku ruuma nyarapalulakutu munu malpangu munu walytja tjutangu palya ma-katira kutjupa kutjupa tjuta tjunkula wantikatinytjaku tuangka urilta.

Ka tjintu kutjupa tjintu kutjupa SA Health-angku ringamilara munta text-amilara tjakultjungkuku interpreter-wanungku ngunti checkamiltanjaku munu tjapira takatangka tjakultjungkunyitjaku pikatjara ngarinyangka.

7



Kutju nyinara SA Health-angku tjakultjungkupai palya pakara ankunyitjaku. Uwankara kiminingka munu test-amilara palya ngarala kutju pakani ruuma nyarapalulanguru.

Kutju nyinara takata nyakunyitjita kutju pakani. Paini iniwai pakara ankunyitjakutawara tjuwakutu, kuulakutu, waarkakutu munta paatjankga munta turiinangka tatintjaku.

STOP THE SPREAD
STAY STRONG

